

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 843 del 31/03/2026

En Mercol 1m de oril vegn fat l'inaudazion col Assessor provinzièl Simone Marchiori

A Sèn Jan an la mostra “Autonomia. L voler del popul l é lege”

[Ladino] La mostra-instalazion itineranta dal titol “Autonomia. L voler del popul l é lege”, la rua a Sèn Jan e la sarà averta al publich aló da la sala de consei de Comun dai 25 de mèrz ai 9 de oril.

La prezentazion ofizièla la é en program per en mercol l 1 de oril da les 20.30 (mesa les nef da sera), olache tolarà pèrt l assessor provinzièl per la promozion e la cognoscenza de l'Autonomia Simone Marchiori e l diretor de la Fondazion Museo storich del Trentin Giuseppe Ferrandi

L'esposizion, trè fotografies, documenc, articoi di sfoes e placac, la met dant i egn de la discusion e de la rivendicazion che i à portà a la conzescion del Statut de Autonomia per la Region Trentin-Südtirol da pèrt de la Republica talièna. N focus particulèr l ge vegn dedicà a la Sociazion ASAR (Associazione Studi Autonomistici Regionali).

La scomenzadiva la fèsc pèrt de la rassegna “Autonomia. L percors de la jent del Trentin” metuda a jir per voler del Assessorat col obietif de spartir co la zitadinanza l segnificat e i valores de la Autonomia spezièla, element zentrèl per

l autogoern del teritorie e la valorisazion de sia particolaritèdes.

La mostra la é averta al publich dal lunesc al vender, da les 9.00 a les 12.00 e da les 15.00 a les 17.00 (la é serèda en lunesc ai 6 de oril).

Traduzion di Servijes Linguistics e Culturèi del Comun general de Fascia

(cdt)